

Broj: 03-02-738/2018  
Sarajevo, 12.05.2022. godine

**PARLAMENT FEDERACIJE  
BOSNE I HERCEGOVINE**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO** B-4

Primljeno: 16-05-2022

Org. jed.	Broj	Priloga	Vrijednost
02 -	02 -	1277	18

- Dom naroda-  
gosp. Tomislav Martinović, predsjedavajući

**PREDMET: Izjašnjenje Vlade Federacije Bosne i Hercegovine**

Poštovani,

U skladu sa članom IV. B.3. 7. c) (III) Ustava Federacije Bosne i Hercegovine, a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 69/07, 2/08 i 24/20), u prilogu Vam dostavljam Izjašnjenje Vlade Federacije Bosne i Hercegovine na Amandman na Prijedlog zakona o materijalnoj podršci porodicama sa djecom u Federaciji Bosne i Hercegovine, koji su podnijeli Sandra Imširović i Boris Krešić, delegati u Domu naroda Parlamenta Federacije Bosne i Hercegovine, a koje je utvrdila Vlada Federacije Bosne i Hercegovine na 314. sjednici, održanoj 12.05.2022. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



**PREMIJER**  
Fadil Novalić

Prilog: kao u tekstu na bosanskom jeziku

**CO: Federalno ministarstvo rada i socijalne politike**  
gosp. Vesko Drijača, ministar

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10 i 39/20 i 67/21) a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 69/07, 2/08 i 24/20), nakon razmatranja Amandmana na Prijedlog zakona o materijalnoj podršci porodicama sa djecom u Federaciji Bosne i Hercegovine, koji su podnijeli Sandra Imširović i Boris Krešić, delegati u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 314. sjednici, održanoj 12.05.2022. godine, utvrdila sljedeće

**IZJAŠNENJE**

o Amandmanu na Prijedlog zakona o materijalnoj podršci porodicama sa djecom u Federaciji Bosne i Hercegovine, koji su podnijeli Sandra Imširović i Boris Krešić, delegati u Domu naroda Parlamenta Federacije Bosne i Hercegovine

**AMANDMAN**

U članu 12. dodaje se stav (2) koji glasi:

“Pravo na dječji dodatak ostvaruje i dijete s težim ili teškim invaliditetom nastalim prije osamnaeste godine života ili za vrijeme redovnog školovanja od dana podnošenja zahtjeva pa sve dok invaliditet postoji”.

**IZJAŠNENJE**

**Amandman se ne prihvata**

**Obrazloženje**

Uvažavajući razloge navedene u prijedlogu ovoga amandmana, Vlada Federacije BiH još jednom ukazuje na činjenicu da je dječji dodatak pravo koje treba pripadati isključivo djetetu pod kojim se, u skladu s Konvencijom Ujedinjenih nacija o pravima djeteta, podrazumijeva “svaka osoba mlađa od 18 godina, osim ako se zakonom koji se primjenjuje na dijete granica punoljetnosti ne odredi ranije”. Iz navedenih je razloga u najmanju ruku pravno nepotrebno i neprimjereno odraslom licu dodjeljivati pravo iz oblasti dječje zaštite, posebno ako se ima u vidu postojanje drugih adekvatnijih prava iz sistema socijalne zaštite kroz koja je moguće pružiti neophodnu materijalnu podršku odraslim licima u stanju socijalne potrebe među kojima se nalaze i lica s invaliditetom. S tim u vezi, Vlada Federacije BiH želi uputiti predlagače amandmana na odredbe Zakona o osnovama socijalne zaštite, zaštite civilnih žrtava rata i zaštite porodica s djecom (“Službene novine Federacije BiH”, br. 36/99, 54/04, 39/06, 14/09, 45/16 i 40/18) kojima je, pored posebnih prava namijenjenih licima s invaliditetom, prepoznata i kategorija materijalno neosiguranih i za rad nesposobnih lica koja, u skladu s kantonalnim propisima, imaju pravo na stalnu novčanu pomoć i druge materijalne pomoći. Imajući u vidu navedeno, Vlada Federacije BiH smatra da materijalna podrška licima ispod navršenih 18 godina, koja se nalaze u stanju socijalne potrebe, treba biti obezbjeđivana kroz sistem dječje zaštite, a materijalna

podrška licima iznad 18 godina života, koja su zbog nepovoljnih socio-ekonomskih prilika izložena posljedicama siromaštva, treba biti pružana kroz sistem socijalne zaštite. U tom bi kontekstu, umjesto intervencija u Prijedlog zakona o materijalnoj podršci porodicama s djecom u Federaciji Bosne i Hercegovine, primjerenije bilo zahtijevati povećanje novčanih izdvajanja za pravo na stalnu novčanu podršku i invalidnine kroz postojeći sistem socijalne zaštite koji već prepoznaje kategoriju materijalno neosiguranih i za rad nesposobnih lica, kao i lica s invaliditetom.

V. broj: *670/2022*  
12.05.2022. godine  
Sarajevo



**PREMIJER**

*Fadil Novalić*  
**Fadil Novalić**